

女
御
經
論
卷
五
一
六

女科經綸卷五

橋李蕭 填聲六纂著

甥婿

陳與權聖用

鏐律黃

全校

高孝典虞徽

男 錦壽

陳士奎煥文

張鴻達麟友

沈德聚日巖

吳桂尤舒秀

禾郡

王祚昌平川

黃金綬爾錫

全恭訂

沈廷翰維馨

陳奇猷爾卿

產後證

臨產將息之法

婦人良方曰，妊娠至臨月，當安神定慮，時常步履，不可多睡飽食，過飲酒醴雜藥。欲產時，不可多人喧闐，惶惶若見漿水，腰間痛甚，是胎已離經。方用藥催生坐草，不可早服催生藥，早坐草，慎之。

臨產調護用藥之法

薛立齋曰：欲產時，覺腹內轉動，卽當正身仰臥，待兒轉身向下，時作痛，試捏產母手中指中節，或本節跳動，方臨盆卽產。若初覺不可仰臥，以待轉胞，或未產而水頻下，此胞衣已破，血水先出，必有逆生難產之患。若胞衣破，不得分娩，用保生無憂散以

固其血如血已耗損八珍湯加益母草濃煎時飲之凡孕婦止
腹痛未產也連腰痛者將產也腎候于腰胞繫于腎故也凡孕
有生息不順宜囑穩婆只說未產或過雙胎只說胞衣恐驚則
氣散愈難生息大抵難產多患鬱悶安佚富貴之家治法雖云
胎前順氣產後補血不可專執若脾胃不實氣血不充宜預議
補之。

臨產預備必用之藥

婦人良方曰花蓋石散爲血入胞衣脹大不能下或惡露上攻
佛手散治血虛危證加味芎歸湯入龜板治交骨不開草薢子

治胎衣不下，失笑散，治惡露腹痛，不舉人事，兩油調滑石塗入
產門，爲滑胎之聖藥，清魂散，治血暈，諸證，平胃散，朴硝，水銀，爲
腐化死胎之劑，皆爲臨產時緊要之藥也。若氣血虛損，以八珍
十全湯加減。

臨產腹痛宜辨弄胎胎二候

便產須知曰：臨月，或腹痛，或作或止，或一二日，三五日，胎水已
來，腹痛無已時，名曰弄胎，非當產也。又自一月前，忽然腹痛如
欲便生，名曰試胎，非當產也。凡腹痛，胎水來與不來，俱不妨事，
但當寬心候時。若果當生，痛極不已，腰間重脹，穀道挺併，漿水

淋下其兒遂生。蓋產自有時。如葉熟香飄。瓜熟蒂落是也。
慎齋按。已上四條。序臨產時有將息調護之法。有預備必用
之藥。若弄胎試胎一條。亦臨產或有之事。不可愴惶鹵莽。反
致有害也。

○難產由于安逸氣滯

大全良方曰。婦人以血爲主。惟氣順則血和。胎安則產順。今富
貴之家。過于安逸。以致氣滯。而胎不轉。或爲交合。使精血聚于
胞中。皆致難產也。

○難產由于恐懼氣結

許叔微曰。有產累日不下。服催生藥不驗。此必坐草太早。心懼而氣結不行也。經云。恐則氣下。恐則精怯。怯則上焦閉。閉則氣還。還則下焦虛。氣乃不行。得紫蘇飲一服。便產。

難產由于胞中敗血壅滯

郭稽中曰。產難者。因兒轉身將兒枕血破碎。與胞中敗血壅滯。兒身不能便利。是以難產。急服勝金散。消其血。則兒易生矣。

難產由于胞破血乾

陳無擇曰。難產多因兒未轉順。坐草太早。或努力太過。以致胞衣破而血水乾。產路滯而兒難下。宜先服催生如神散。以固其

難產由于妊孕房事不謹

虞天民曰。或問丹溪所謂難產之婦。多是八九個月內。不能謹慎。以致氣血虛故也。其言何與。曰。婦人有娠。不宜與丈夫同寢。今人未諸此理。至八九月內。猶有房室。夫情慾一動。氣血隨耗。胎孕全賴氣血培養。氣血既虧。則胎息羸弱。日月既足。卽欲分娩。拆胞求路而出。胞破之後。胞中漿水沛然下流。胎息強健者。卽翻隨漿而下。此爲易產。胎息倦弱者。轉頭遲慢。不能隨漿而出。胞漿旣乾。汚血閉塞生路。子無所向。遂致橫生逆產。急服催

生藥逐去惡血。道路通達。庶速產也。

慎齋按。已上五條。序臨產時有難產之患也。難產之由。在平時。則有安佚氣滯。有心恐氣結。有房室不謹。在將產。則有敗血壅滯。有胞漿乾涸。大要不外此數證。

治難產胞漿乾。今通上下之氣。

大全曰。胞漿先破。惡水來多。胎乾不得下。先與四物補養氣血。次煎濃葱湯。令穩婆洗產戶。今氣上下通暢。更用酥油滑石塗產門。次服神妙乳砂丹。或葵子如聖散。

治難產以順氣和血為主。

女科正宗曰難產有因母氣血盛胎肥而難產者有因母氣弱
血枯澁而難產者悉是平時不善調攝或七八月犯房室致污
濁凝滯不得順生○大法以順氣和血為主如漿乾不下者滋潤
為主○汚血阻滯者逐瘀為主如坐草用力早胞水乾者滑胎散
伸應散連進大劑如魚得水自順矣

治產難子死腹中有下法

陳良甫曰產難子死腹中者多因驚動太早或觸犯禁忌致令
產難胞漿已破無血養胎枯涸而致故也須驗產母之舌若舌
青黑者其胎已死當下之平胃散加朴硝

薛立齋曰。若胎灰服朴硝。下穢水。肢體倦怠。氣息奄奄。急用四君子爲主。佐以四物。加姜桂調補之。慎齋按。已上三條。序治難產之大法也。或開滑子宮。或通上下之氣。或滋養氣血。當隨機應變。若胎灰腹中。惟有下法。下後當從立齋之論。爲要。不可不知。

交骨不開。產門不開。子宮不收。三證。

薛立齋曰。三者皆由元氣素弱。胎前失于調理。致氣血不能週。而然交骨不開者。陰血虛也。佛手散加龜板。產門不開者。氣血虛也。十全大補湯加五味子。收之。子宮不收者。補中益氣加醋。

炒白芍五味如○產腫脹○痛而不閉者加味道遙散若腫既消
而不閉者補中湯加半夏○焦芩○以健脾胃○使元氣復而諸疾自愈○
切忌寒涼之劑又曰交骨○不閉者陰氣虛也○龜爲至陰板則交
錯相解故用之○又有間骨○膏明乳香一兩五月五日研細者血
爲丸如雞豆大朱砂爲衣○加味佛手散送下○

單養賢曰產後見此二證總服生化湯如交骨不開加龜板

一枚

盤腸生

便產須知曰盤腸生者○產子腸先出然後產子則腸不收者

日盤腸產穩婆以醋水
方用草蓀子仁四十九
腸若乾不收以磨刀水
愈難收也腸乾者濃煎
曰

李太素按盤腸生是
血之藥兼以升提則
慎齋按已上二條序
雞產不止此二證橫
必母氣血虛弱因而下脫當用補氣補
腸自收矣大劑參芪歸加升麻
骨不開盤腸生是難產中之見證也
迎產法在穩婆妙手其用藥亦不外後

條諸法

寒月凍產宜煖

楊子建曰、凍產者、冬月天冷、產母經血得冷、則凝、致兒不能下、此害最深、故冬月產者、下部不可脫去綿衣、并不可坐臥寒處、使滿房圍爐、常有煖氣、令產母背身向火、臍下腿膝間常煖、血得熱則散、兒易生也、

夏月熱產宜涼

楊子建曰、熱產者、盛夏之月、產婦要溫涼得所、不可恣意取涼、傷損胎氣、不可人多、熱氣逼襲、產母心煩、熱血沸騰、有驚冒冲

暈之患

慎齋按楊子建有十產論俱不可不知。但八條悉屬產母與
穩婆之事故。不盡錄。其凍產熱產二條。惟在醫者用藥調護。
因節取之。予謂古方臨產用藥最多。丹溪云。只用佛手散最
穩當。又效捷。後讀單養賢產寶新書。有生化湯一方。爲產後
加減。今當以二方爲主。如寒月凍產。多加肉桂乳香。夏丹熱
產。多加辰砂益元散。均用童便半盞沖入。人參量產婦元氣
虛實多寡加之可也。

催生藥宜助氣血爲主

楊子建曰。催生者。言欲產時。兒頭至產門。方服藥催之。一經日久。產母困倦難生。宜服藥以助血氣。令兒速生也。

催生大法

大全曰。大法滑以流通。滯澁者以驅逐。閉塞者以開竅。逐血氣滯者。行氣胞漿。先破血。乾者固血。

慎齋按。大全云。滑以流通。滯澁者。如車前、滑石、鳳仙子、蜀葵子、蘇油、香油、白蜜、牛乳、猪脂之屬。皆滑劑也。苦以驅逐。閉塞者。如桃仁、乾姜、赤芍、厚朴、朴硝、大黃之屬。皆苦劑也。香以開竅者。如乳香、麝香、白芷、肉桂之屬。皆香劑也。氣滯則香附、枳

穀陳皮烏藥青皮皆順氣之劑也。血乾則當歸川芎益母紅
花丹參之屬皆固血之劑也。

催生用藥諸方

女科正宗曰：催生多用滑利迅速之藥。古方有兔腦蛇蛻筆尖
弩牙急性子之類，皆一時妙用。惟佛手散爲至當不易。至如手
握石燕足貼草蓐子道乾瀝，則用葵子榆白皮猪脂葱油蜜牛
乳以潤之。天寒風冷，使氣血凝滯，則用乳香射香之類，以香能
開竅逐污也。

慎齋按：已上三條，序催生用藥之大略也。催生古方甚多，有